

NOFOA'IGA TOLUSEFULU FONO FAITULAFONO A AMERIKA SAMOA

FONO TELE MUAMUA

Nofoa ma usua i Fagatogo, Tutuila, Amerika Samoa
Aso Gafua, aso valu o Ianuari
lua afe ma le fitu

O SE TULAFONO E SUIA AI LE FAIA O MALILIEGA O LE AOFA'IGA ATOA UA FA'ATULAGAINA E LE FALETUPE ATIINA'E O AMERIKA SAMOA I ANA TUPE FUAFUAINA MA TUPE SILIA; SUIA AI LE MAGA 28.0105 T.T.A.S.

IA FAATULAFONOINA E LE FONO FAITULAFONO A AMERIKA SAMOA:

Maga 1. 28.0105 ua suia e faitauina:

"28.0105 Fa'atupe-galueaiina—Maliliega o nogatupe.

(a) O tupe atoa fuafuaina mo tupe maua a le Feterale, fa'atasi ai ma teugatupe uma ma tupe to'ese mai i so'o se nogatupe, tupemaua mai tupe nono atu, foa'i tupe, po'o isi tupe e mua'i tu'uina mai e le Malo o le Iunaite Setete, po'o so'o se isi fa'alapotopotoga e i ai se feso'ota'iga ua i ai le malosi e fa'aavanoaina ai tupe i le Faletupe po'o so'o se isi fa'alapotopotoga tau tupe fa'avaomalo pe mai fa'alapotopotoga tua tau tupe e mafai ona saunia ai nogatupe po'o aitalafu tupe i le Faletupe, o le a fa'aavanoaina mo le fa'atupe-galueina o tupe e le Faletupe pe i le tulaga o nogatupe po'o tupe e tu'uina atu mo tupemaua i pisinisi e pulea e tagata tua, pisinisi faipaaga, po'o asosi a tagata faipisinisi e a'afia i pisinisi po'o vaega o pisinisi po'o le a lava le tulaga, e talitonuina e ogatasi ma fa'amoemoega e fa'aalualuina ai i luma le tamaoiga o Amerika Samoa vagana ai ua fa'atapula'aina e le soamaga (e). O nogatupe po'o le fa'atupe-galueina o tupe ma tupe avanoa uma e fa'atupe galueina mo se taimi pu'upu'u e ao ona faia i tu'utu'uga ma aiaiga ua filifilia e le pule'aga o le Faletupe ma ia fa'amaoniaina e le Komiti Fa'afae ma ia fa'avae i se fa'ai'uga fa'apisinisi atamai ma le fa'autaga lelei, e fuafua i le gafatia e le tagata notupe fa'amoemoeina e toetotogi mai, ma o le fa'atupe-galueina o tupe ua faia, i le fa'ai'uga a le komiti, o le fa'amoemoe o le fa'agaioiga manuia o le pisinisi po'o se vaega o le pisinisi e mautinoa ai ona fa'atinoina. O nogatupe po'o aitalafu ua fa'atagaina i lenei maga mo na'o tagata notupe agava'a o i latou o tagata Amerika Samoa po'o tagatanu'u nofomau o Amerika Samoa.

(e) O le Faletupe e mafai ona fa'amaonia nogatupe po'o meafaigaluega e lisiina atu e tagata agava'a po'o kamupani e lisiina atu meafaigaluega, ma e mafai ona fa'amaotinoaina pone o mea e fausiaina e kamupani e fa'aponeina e fa'alapotopotoga e onaina atoa po'o se vaega tele pe pulea e Tagata Amerika Samoa e tusa lava pe ua fa'aalia se fa'amaoniga talafeagai mo le toetotogiina, e le agava'a mo nogatupe, lisi, po'o pone e fa'ataunu'uina ai i lalo o aiaiga ua fa'ae'eina atu e le ulua'i tagata na nono atu iai, tagata e lisi atu po'o ofisa e fa'aponeina. O maliliega a le Faletupe e le mafai ona sili atu i le aofa'iga atoa i so'o se taimi e tasi se aofa'iga e fa'afaina limasefulu pasene (50%) o le tupe atoa ma tupe silia (e le aofa ai porofiti e le'i vaevaeina) a le Faletupe; po'o o le aofa'iga atoa o le nogatupe a le Faletupe ma fa'amaonia ai mo so'o se tagata po'o se fa'alapotopotoga, po'o se vaega o tagata po'o fa'alapotopotoga e iai se pulega masani, pisinisi, po'o se naunauta'iga fa'aletupe, e sili atu i le 10% o le tupe atoa ma tupe silia a le Faletupe vagana ai o le nogatupe po'o le fa'ataunu'uina o se feagaiga ua fa'amautuina ma'oti pe i lalo o le aia e aveina ai meatotino ua folafolaina e se tagata notupe, mea faitino pe le faitino, ua tauaaoina se tau fuafuaina tusitusia ma taualoa e tusa e 35 pasene e sili atu ai i le aofa'iga ua fa'amaonia ai. O maliliega uma o le a fa'amaoniaina e le Komiti Fa'afaoe o le Faletupe. O le faia o maliliega uma ma le mauaina o fatuaiga fa'aletulafono e ona tula'i mai, ma ina ia ogatasi ma mataupu fa'avae tausisia, o le Faletupe o le a na tausia i taimi uma se vaega o ana tupe totino ua fa'atupe-galueina i le puipuiga a le Matagaluega o le Tupe po'o isi ofisa a le Lunaite Setete.

(i) Fefa'atauaiga, pe le o ni tagatanu'u, ua fa'amaoniaina i lalo o lenei maga o le a le sili atu ma le 90 pasene o le aofa'iga o le nogatupe po'o le aofa'iga atoa o talosaga ua taliaina e fa'amaonia ai lea nogatupe ma le maliliega, po'o le fea lava e itiiti ifo.

(o) Maliliega o nogatupe o fale i lalo o lenei maga e mafai, i le faitalia a le Komiti Fa'afaoe a le Faletupe, e sili atu ai i le 90% o le aofa'iga o le nogatupe, pe afai o lena nogatupe ma le maliliega ua fa'atuatuaaina atoatoa ma fa'amaoniaina i le fale o le a fausiaina pe fa'afouina."

Lolo M. Moliga

LOLO M. MOLIGA
Peresetene, Maota Maualuga

Agaleatu C. Tautolo

AGAOLEATU C. TAUTOLO
Sui-Fofoga Fetala'i, Maota o Sui

Hereby Approved this 3rd day of April 2007

[Signature]

GOVERNOR OF AMERICAN SAMOA